

थान्थान धुर्सा



पूर्वी तामाङ भाषा समूह

ललितपुर ३, धोविघाट



प्रार्थना

१. प्रभु, दान्दे डाइ चु किताब पढब लबारी छ्याइबा मुला । डादा चुरी भिबा तामगदे घोखम्बा ज्ञान बुद्धि पिन्गो ।
२. ह्राडदा विश्वास लबारी डादा ह्रो लउ ।
३. प्रभु, डाला सेमला मी ठोइसी पिन्गो, डाइ ह्राडदा माइबारी खम्गौ । येशू ख्रीष्टला मिनरी
आमेन ।

थान्थान धुर्सा



येशूला लास थान्वा धुर्सा

तिग धुर्साएनोन थान्थान तमुला? चु खाह्ण्ड्वा धुर्सा हिन्ना ? चु किताबला मिन थे:मैछ्याम ह्ण्डला सेमरी चु प्रश्नगदे खजी तला । थान्थान धुर्सा भिमा ह्ण्ड उदेक थातउ । तिगदा भिसम चु सत्य ताम हिन्ना । चु ताम खालै म्हिसे खेन्जी पाड्वा ताम आहिन । य्हाड म्हि य्हुल्ला पापला दोष मेटप लबारीदेन सेमला जम्मान दुखगदेग्याम फेसी य्हाडदा परमेश्वरला भ्ण्डा भ्ण्डामे स्होबाला लागिरी येशू खीष्ट म्हि दोसी चु पापसे

प्लिड्वा जम्बुलिडरी फेप्वजी । चुदे जे आहिन येशू खीष्टसे म्हिदा म्हड म्हुडला शक्तिग्याम फेबा मुला । ओच्छे थरीथरीला स्हु स्हेरग्याम आखम्बा म्हिगदेदा खम्ना लजी । चु जम्मान तामग्याम फेसी म्हि य्हुल्दा परमेश्वार खला हिन्ना भिसी डोसेना लबारी हजार न्हीसे च्युकनी दिड भन्दा डाच्छा फेप्वबा येशू खीष्टला सिबा ल्हुइ थान्वा धुर्सा हिन्ना चु थान्थान धुर्सा ।

येशू खीष्ट चु जम्बुलिडरी म्हि दोसी फेप्वसी म्हिगदेदा परमेश्वर खला हिन्ना भिसी डोसेना लबा धुडरी म्हिगदेला गुडरी चुहड्वा गेगदे लजी, **येशूसे म्निडम्हेमे गिकदा “एला पाप माफ तबा मुला” भिसी सुड्जी (लूका ७:४८)** । येशू खीष्टसे चुहड् सुड्बाला अर्थ तिग हिन्ना ? चुहड् सुड्बाला अर्थ चा येशू खीष्ट म्हिगदेला पापला दोष मेटव लसी म्हिगदेदा थान्ना लबारी फेप्वबा हिन्ना । थेदा परमेश्वासे पुइखवा हिन्ना । थे चा परमेश्वरला भा हिन्ना । थेतबासेलमा म्हिगदेला पापला दोष मेटव लबादेन आखम्बा

म्हिंगदेदा खम्ना लबा अधिकार थेदेन छ्याम मुला भिसी म्हि य्हुल्दा घोना लबा हिन्ना ।

“सिरिया य्हुल्सा नाडनोन येशूला बारेरी थे:जी । ओच्छे म्हिंगदेसे ल्हानान थरीला रोगसे स्याप्सी दुख याड्बागदे, म्हडसे स्याप्बागदे, स्ह म्हडसे स्याप्बागदेदेन काड या चलब आतबा कुज्या म्हिंगदेदा येशू मुबा ग्लारी भजी । जमाहेन्से येशूसे थेनीगदेदा खम्ना लजी” (मत्ति ४:२४) । येशूसे ल्हानान थरीला रोगसे स्याप्बा म्हिंगदेदा चुहड् लसी खम्ना लजी । चुदे जे आहिन येशू खीष्ट चु जम्बुलिडरी म्हि दोसी फेप्खवाला अर्थ चा चु भन्दा घेन मुला । थे ताम चा य्हाडला पापला दोष मेटब लबाला लागिरी येशू खीष्ट ह्वाडनोन क्रूसरी बलि तबाला लागिरी हिन्ना । म्हिला पापला दोष मेटब लबाला लागिरी खाइमै पाप आलबा म्हि बलि ततो:बा मुबा । तर जम्बुलिडरी पाप आलबा येशू बाहेक अर्गु गिकनोन आरेबा । बचनरी चुहड् भिसी भ्रिवा मुला, “परमेश्वरसे म्हन्बा अन्ध्रार

भ्रवा म्हि खालै आरे, गिकनोन आरे” (रामी ३:१०) ।


चु बचनना अर्थ चा पाप आलबा म्हि गिकनोन आरे भिवा हिन्ना । तिग पापीसेनोन थार्वा याड्ला ? पापीदा थार्वा पिन्बारी दान्देधोना चु जम्बुलिडरी खालै खबा मुला ? मुला, पापीगदेदा थार्ना लबारी फेप्खवा चा येशू हिन्ना । येशूसे चुहड् भिसी सुड्वा मुला, **“खम्बा म्हिगदेला लागिरी डाक्टर आतोः, तर आखम्बा म्हिगदेला लागिरी जे तोःला । थेतबासेलमा परमेश्वरला डाच्छ्र ज्यबा मुबा म्हिगदेदा आहिन तर पापीगदेदा ड्योइबारी डा खबा हिन्ना” (मर्कूस २:१७) ।** येशूसे डा पापीगदेदा ड्योइबारी खबा हिन्ना भिसी सुड्वा वा म्नाड्सी हाड उदेक तजी तला । उदेक थाम्हन्तो, तिगदा भिसम चु सत्य ताम हिन्ना । सत्य ताम थेःमा य्हाडसे उदेक म्हन्आतोः, उदेक आम्हन्ना हाडसे येशू खीष्टदा हाडला सेमरी ड्योइगो । हाडसे येशू खीष्टदा हाडला सेमरी ड्योइजी भिसम येशू खीष्ट हाडला सेम न्हडरी फेप्खला । ओच्छे हाडसे शान्तिदेन थार्वा याड्

ला । ओच्छे ह्वाडला सेमला जम्मान दुखदेन आज्यवा
तामगदे ह्वाडला सेमग्याम म्हसी निला ।

ओच्छे जुन धिनकुनु व्हाडसे प्रभु येशू खीष्टदा
“डादा थार्बा पिन्वा डाला प्रभु हिन्ना” भिसी ह्वाडला
सेमहेन्से पाड्सी येशू खीष्टथोरी विश्वास लला थे
कुनुहेन्से व्हाड परमेश्वारला कोलागदे दोला । येशू
खीष्टसे चुह्ण्ड् भिसी सुड्बा मुला, **“जुन म्हसे थेदा
मान लसी थेथोरी विश्वास लजी, थेनीगदेदा थेसे
परमेश्वरला सन्तान दोबा हक पिन्जी”** (यूहन्ना
१:१२) । ओच्छे जम्मान म्हिगदेला पापला दोष मेटव
लसी थेदा विश्वास लवागदेदा परमेश्वरला सन्तान
स्होवाला लागिरी दोःसी खाड्मै बलि तआतोःवा लसी
येशू खीष्ट ह्वाडनोन क्रूसरी बलि तजी ।

येशूदा ह्वाड क्रूसरी सिबा भन्दा डाच्छान
ह्वाड खाह्ण्ड् लसी सितोःला भिवा ताम था मुवा ।
म्हिगदेला पापला दोष मेटव लसी थेनीगदेदा थार्ना
लवाला लागिरी ह्वाड खाह्ण्ड् लसी सितोःला भिसी

येशूसे ह्वाडला चेलागदेदा ह्वाड सितोःवा धुइ तवा भन्दा
 ल्हानान धुइ डाच्छाहेन्सेन सुड्बाला सुड्बान मुबा ।
 धुइ तमाहेन्से येशूसे ह्वाडला चेलागदेदा धुइ धुइरी
**“अदा यहूदी गन्बागदेदेन परमेश्वरला मन्दिररी पुजा
 लबा म्हिगदेसे चुड्सी कूसरी टाँगब लसी साइला”**
 भिसी सोमरेमधोना सुड्बा मुला। ह्वाडला चेलागदेदेन
 छ्याम यरुशलेमपट्टि फेप्वान लबा धुइरी येशूसे
 चुह्ण्ड भिसी सुड्जी, चु चा सोमरेमला पालरी सुड्
 वा हिन्ना, **“च्यागो, दान्दे य्हाड यरुशलेमपट्टि निबान
 मुला । दाहेन्से परमेश्वरसे पुइखबा म्हिदा परमेश्वरला
 मन्दिररी पुजा लबा मुल म्हिगदेदेन यहूदी धर्मगुरुगदेला
 यारी जिम्मा पिन्ना । जमाहेन्से थेनीगदेसे थेदा ‘चुदा
 साइनोन तोःला’ भिसी पाड्ला । ओच्छे थेदा अर्गु य्हुल्ला
 म्हिगदेला यारी जिम्मा पिन्ना । जमाहेन्से थेनीगदेसे
 थेदा खिसी लबान कोर्रासे तोबा ग्याड्बा लसी कूसरी
 टाँगब लसी साइला । तर थेदा सोमरेमाकुनु सिबाग्याम
 सोना लला”** (मत्ति १६:२१; १७:२२-२३; २०:१८-१९) ।



येशूदा क्रूसरी टाँगव लबा

येशूसे सुड्वा ह्दुनोन म्हि यहुल्ला लागिरी
सितो:बा धुइ तमाहेन्से येशूदा यहूदी गन्वागदेदेन
परमेश्वरला मन्दिररी पुजा लबा मुल म्हिगदेसे बिरोध
लसी तोबा ग्याड्बा लसी क्रूसरी टाँगव लसी साइजी ।
क्रूसरी सिबा धुइरी येशूसे य्हाड्ला जम्मान दुख, पेबा
खबा ताम, सुर्दा, रोगदेन पाप ह्वाडसेन किन्वा मुबा ।
येशू खीष्ट पापी तबासेलमा थेदा क्रूसरी टाँगव लसी
साइबा आहिन । तर य्हाड पापी तबासेलमा थेदा

साइबा मुबा । व्हाड सितोःबा ग्लारी व्हाडला साटोरी
 येशू खीष्ट क्रूसरी सिसी पिन्जी । व्हाडसे नातोःबा
 वेइज्जत येशूसे नाजी । थेतवासेलमा जुन जुन म्हिसे
 येशू खीष्टदा विश्वास लला, थेनीगदे व्हाडला पापला
 लागिरी सिआतोः । येशू खीष्टदा विश्वास लबागदेसे
 जुकजुकधोनाला जुनी याड्ला । तिगदा भिसम येशू
 खीष्ट सिबाला सिबान आतनी, तर थे सोमरेमाकुनु
 सिबाग्याम सोजी ।

येशू खीष्टला सा निमाहेन्से योसेफ भिबा म्हि
 रोमी हाकिम पिलातस मुबा ग्लारी निसी येशूला लास
 ह्विजी । जमाहेन्से पिलातससे योसेफदा येशूला लास
 भोर्पुड्जी । योसेफसे येशूला लासदा खालैला लास
 आथान्वा छार धुर्सारी थान्जी । येशूसे व्हाडला चेलागदेदा
 डाच्छान “डादा साइसैनोन डा सोमरेमाकुनु सिबाग्याम
 सोला” भिसी सुड्वा मुबा । थेतवासेलमा थे व्हुल्सारी
 शासन लबा म्हिगदेसे येशूला चेलागदे खसी येशूला
 लास ह्यो लसी भोर्ला, ओच्छे, येशू सिबाग्याम सोजी

भिसी पाड्ला भिसी येशूला लास थान्वा धुर्सा खुड्
 बारी सिपाहीगदेदा थान्जी । येशू खीष्टसे सुड्बा हड्
 नोन सोमरेमाकुनु येशू सिबाग्याम सोजी । येशू खीष्ट
 सिबाग्याम सोबा धुइरी चुहड् तबा मुबा । चु ताम
 बाइवलरी भिवा मुला, “ब्लप्बा न्हबा धिनना न्हडगरदड
 स्ट्योरीन मरियम मगदलिनीदेन स्ट्यान्दो मरियम भिबा
 मिडम्हेमे न्ही येशूदा थान्वा धुर्सा च्याबारी निजी।
 थेनोन धुइरी सड्गुल खजी । तिग्दा भिसम स्वर्गग्याम
 परमप्रभुला दूत गिक मार फाप्सी धुर्साला म्नापरी थान्वा
 युड्बा ब्लिड्सी थेनोन युड्बाथोरी चिजी । थे स्वर्गदूतला
 ली धिनीला स्हेर हड्बान ट्याल ट्याल्बा मुबा । ओच्छे
 थेला क्वान गिलड तेबान तार मुबा । थेदा म्नाड्सी धुर्सा
 खुड्सी चिबा सिपाहीगदे लोड्सी फितफित धर्सी सिबा
 तेबान तजी । तर स्वर्गदूतसे थे मिडम्हेमेगदेदा चुहड्
 भिसी भिजी, “एनीगदे थालोड्गो, तिग्दा भिसम क्रूसरी
 टाँगब लसी साइबा येशूदा म्हाइबा मुला भिबा ताम
 डादा था मुला । येशू चुरी आरे, थेसे सुड्बा हड्न्नोन



येसूला लास थान्बा धुर्सा

थेदा सिबाग्याम सोना लसी जिन्बा मुला । एनीगदेन
खसी थेदा थान्बा ग्ला च्यागो । दाहेन्से एनीगदे योना
निसी थेला चेलागदेदा 'येशूदा सिबाग्याम सोना लसी
जिन्बा मुला । ओच्छे येशू एनीगदे भन्दा डाच्छा गालील
अञ्चलरी फेब्बान मुला । एनीगदेसे येशूदा थेरीन म्राड्
ला' भिसी पाड्सी पिन्नो" (मत्ति २८:१-७)

येशू चा व्हाडदा पापग्याम थार्ना लबारी चु
 जम्बुलिडरी फेप्वसी चु जम्मान दुख नासी सोमरेमाकुनु
 कालथोरीएनोन ढासी सिवाग्याम सोजी । थेतबासेलमा
 दान्देनोन येशू खीष्ट सोबान मुला, थे खाइमै आसी ।
 थे डाच्छाएनोन सोबान मुबा, दान्देएनोन सोबान मुला
 ओच्छे लिच्छाएनोन सोबान तला । येशू खीष्टला व्हुल्सा
 खाइमै नाश आत । थेतबासेलमा व्हाडसे थार्वा याड्
 बारी येशूदा विश्वास लतोःला । तिग्दा भिसम येशूसे
 चुहड् भिसी सुड्वा मुला, **“परमेश्वर मुबा ग्लारी भोर्बा
 ग्याम, सत्य ओच्छे जुनी डानोन हिन्ना । डग्याम
 बाहेक खालैनोन परमेश्वर आबा मुबा ग्लारी निबारी
 आखम”** (यूहन्ना १४:६) । चु ताम अर्गु खालैसेन
 खजिवै धर्मरी पाड्वा आरे । थेतबासेलमा व्हाड पापला
 घ्योड्डीरी मुबा म्हि व्हुल्दा थेग्याम तेःसी स्वर्ग व्हुल्सारी
 भोर्बा चा येशू खीष्ट जे हिन्ना । तिग व्हाडदा चु ताम
 विश्वास आतनी ? विश्वास आतसम छिन्नड मी
 च्युम्सी खेन्गो । तिग व्हाडदा पापला घ्योड्ग्याम थोन्वा

सेम आरे ? तिग हाडदा स्वर्ग यहुल्सारी फेष्वा सेम आरे ? चु किताब पढब लना लनान हाडदा प्रभु येशू खीष्ट डाला प्रभु हिन्वा चिम तिनीन चुनोन धुइरी डाइ येशूदा विश्वास लला भिसी म्हन्वा मुसम हाडसे डादेन छ्याम छ्यामनोन चु प्रार्थना लउ ।

प्रभु येशू हाड डाला पापला लागिरी कूसरी सिजी । डादा पापग्याम थाना लबाला लागिरी हाडसे डाइ नातोःबा बेइज्जत नाजी । प्रभु हाडदा धन्यवाद मुला । प्रभु हाड डाला सेमरी फेष्वसी धन्छ्यागो । प्रभु तिनीधोना डाइ सेसी आसेना लबा जम्मान पापगदे माफ लसी पिन्गो । प्रभु डा हाडला डाच्छ्रापट्टि खबा मुला । प्रभु तिनीधोना डाइ हाडला बिरोधरी लबा जम्मान नैबा गेगदे दान्देन ख्लासी डा हाडला ग्यामरी भ्रला । प्रभु डादा हाडला ग्यामरी भ्रबारी हो लउ । डा सितोःबा ग्लारी हाडनोन कूसरी सिसी कालथोरी ढासी सोमरेमाकुनु सिबाग्याम सोजी । प्रभु हाडदा धन्यवाद मुला । येशू खीष्टला मिनरी आमेन ।

ठेगाना

पिन्वा म्हिला ठेगाना:-

मण्डलीला मिन:.....

गलाला मिन :-.....

थान्थान धुर्सा

© पूर्वी तामाङ भाषा समूह -२०१२

१००० प्रति

पूर्वी तामाङ भाषा समूह

EASTERN TAMANG LANGUAGE TEAM

धोबीघाट -३, ललितपूर

पो.ब.नं. ८९७५, इ.पि.सी. २६२१, काठमाण्डौ

फोन नं. ५५४३६०२, इमेल: etlp@sall.com



पूर्वी तामाङ भाषा समूह

EASTERN TAMANG LANGUAGE TEAM

धोवीघाट -३, ललितपूर

पो.ब.नं. ८९७५, इ.पि.सी. २६२१, काठमाण्डौ

फोन नं. ५५४३६०२

इमेल: etlp@sall.com